


書名 錦繡萬花谷續集四十卷  
 嘉靖十五年序錫山秦  
 汴鏞石書堂刊本後修  
 撰者 宋 闕名 撰  
 卷 卷三十八  
 內容分類 子-類書-彙考-宋  
 索書號 大木-子部-類書類-31  
 編號 C5924800

# 卷三十八



錦繡萬花谷續集卷之十八

類

後進領袖裴秀八歲能屬文時語曰後進領袖有裴秀

後為晉空 晉本傳

玉山映照人裴楷以清通用為吏部郎時人稱見裴叔則

如近山裴松之博覽墳籍立身簡素宋武帝克洛陽

裴松之博覽墳籍立身簡素宋武帝克洛陽  
 行事武帝曰松之廊廟之才不宜久居邊務

裴松之博覽墳籍立身簡素宋武帝克洛陽  
 行事武帝曰松之廊廟之才不宜久居邊務

裴松之博覽墳籍立身簡素宋武帝克洛陽  
 行事武帝曰松之廊廟之才不宜久居邊務

裴松之博覽墳籍立身簡素宋武帝克洛陽  
 行事武帝曰松之廊廟之才不宜久居邊務

彩色首頁1

東洋文化研究所漢籍目錄 編號 C5924800

東洋文化研究所漢籍目錄所藏漢籍善本文影像資料庫 索書號 大木-子部-類書類-31

漢籍善本文影像資料庫文本 錦繡萬花谷續集四十卷 嘉靖十五年序錫山秦汴鏞石書堂刊本

後修

版權所有 東京大學 東洋文化研究所

使用上的注意事項





錦繡萬花谷續集卷之三十七

錦繡萬花谷續集卷之三十八

類姓

郭

**去禱帷**郭賀字喬卿拜荊州刺史百姓歌曰厥德仁明  
郭喬卿忠正朝廷上下平顯宗賜以三公之服黼黻冕  
旒勅行部去禱帷使百姓見其容服以章有德

**高車出關**郭丹字少卿買符入函谷關慨然嘆曰丹不  
乘使者車終不出關至京師常為都講諸儒咸敬異之  
更始徵為諫議大夫持節使歸南陽果乘高車出關

**折巾**郭泰字林宗與李膺友善名震京師後歸鄉里衣  
冠諸儒送至河上車數千輛林宗唯與膺同舟而濟眾  
賓望之以為神仙嘗遇雨中一角墊時人故折巾一角



以為林宗巾 並後漢史

**詞賦為中興冠** 郭璞字景純博學高才詞賦為中興之

冠洞五行天文卜筮之術為著作佐郎 晉史

**二十四** 郭子儀以武舉異等肅宗朝進中書

令代宗不名呼為大臣以身為天下安危者二十年校

中書令考二十四八子七壻皆貴顯富貴壽考哀榮終

始人臣之道無缺焉 唐史

**位兼將相** 郭崇韜代州鴈門人梁莊宗賜鐵券拜侍中

成德軍節度使依前樞密使莊宗與諸將以兵取天下

而崇韜未嘗居戰陣徒以謀議居佐命第一之功效位兼

將相遂以天下為已任 五代

**霍** 霍光去病弟以兄任為郎後為大司馬大將

軍受遺詔輔少主廢昌邑立宣帝封博陸侯定萬世策

以安社稷 前漢史

**郝**

**得大臣體** 郝處俊貞觀中第進士諫帝欲遜位武后事

遂沮處俊臨事敢言在帝前議論必傳經義皆有規獻

**駱**

**文章名天下** 駱賓王七歲能賦詩武后時數上疏言事

下除臨海丞不得志棄官去與王勃楊炯盧照隣皆以

文章齊名天下 並唐史

**索**

**燉煌五龍** 索靖字幼安燉煌人少有逸群之量與汜衷



張魁索紛索永俱詣太學馳名海內號稱燉煌五龍靖  
必草書知名晉史

**善占夢**索純字叔徹善占夢令狐策夢立冰上與冰下  
人語純占之云云君當為人作媒悉如其言晉書藝術  
石

**錦步障**石崇字季倫與王愷爭以奢靡相尚作錦步障  
五十里晉史

**一裘一葛**石洪字濬川韓昌黎送洪赴河陽參謨序云  
先生居高邱瀝殺之間冬一裘夏一葛朝夕飯一盂蔬  
一品問之仕則不應坐一室左右圖書與之語道理辯  
古今事當否論人高下事後當成敗若河決下流而東  
注若駟馬駕輕車就熟路而王良造父為之先後也若

燭照數計而龜下也云云韓文

翟

**上卿**任座對魏文侯曰翟璜之言直文侯召為上卿詳  
類任姓

**通明相**翟方進受春秋以射策甲科為郎遷朔州刺史  
徙京兆尹搏擊豪強京師畏之知能有餘兼通文法吏  
事以儒雅緣飾法律號為通明相天子甚器重之奏事  
亡不當意前漢史

白

**武安君**白起善用兵事秦昭王為左庶長攻韓魏趙楚  
封武安君史記

**觀時變**白圭周人樂觀時變人棄我取我予趨時



若猛獸擊鳥之發天下言治生者祖白圭前貨殖傳

**醉吟先生**

白居易字樂天工文章未冠謁顧况况曰吾

謂斯文遂絕今復得子矣正元中擢進士拔萃皆中補校書郎元和元年對制策乙等召入翰林爲學士遷左拾遺與弟行簡從弟敏中友愛東都所居疏沼種樹構石樓香山鑿八節灘自號醉吟先生爲之傳暮節感浮屠至經月不葷稱香山居士嘗與胡杲吉叟九人等燕集皆高年不事者人慕之繪爲九老圖唐史

席

**詩人冠冕**

席豫字建侯長安中舉學兼流略詞擅文場科擢上第時年十六復舉手筆俊拔科中之俄舉賢良方正異等復舉超拔群類科拜吏部侍郎典選六年帝

嘗登朝元閣賦詩群臣屬和帝以豫詩最工詔曰詩人之冠冕也唐史

劇

若一敵國劇孟洛陽人以俠顯吳楚反周亞夫得孟喜

曰天下搖動大將軍得之若一敵國云前游俠傳

柏

**頽文面黑**柏良器王奐見之曰爾頽文似臨淮王面黑

似頽平原殆能立功乃薦之光弼年二十四更戰陣六十二李希烈圍寧陵遇水灌之親令軍中明日拔城良器以救兵至擇弩手善游者泐汴渠夜入及旦伏弩發賊乘城者皆死錄功封平原郡王圖形凌煙閣

**聲震一時**柏耆有縱橫學志健而望高王承宗叛耆謁



裴度且言願得天子一節馳入鎮可掉舌下之乃以左拾遺往既至以大誼動承宗乃請獻二州以二子入質由是聲震一時並唐史

**酈**

**信成君**酈商漢王賜爵信成君以將軍為隴西都尉遷為左丞相

**廣野君**酈食其為里監門漢王號為廣野君說下齊七十餘城並史記

**戚**

為儒推許戚交少聰慧受三禮大義畧舉兼太學博士為儒推許南史

**堅素先生**皇朝戚同文幼孤事祖母以孝聞從邑人楊

愨受經愨隱居不仕而以女弟妻同文勉之仕同文曰長者不仕同文亦不仕聚徒講學相繼登科者五十六人踐臺閣者亦至十數尚信義喜周人之急所與交皆當世知名士楊徽之因使至郡多所酬倡及卒徽之與其門人謚曰堅素先生

**薛**

**善士**子謂薛居州善士也使之居於王所在王所者長幼卑尊皆薛居州也王誰與為不善孟子

**經術謀王體**薛宣為陳留太守盜賊禁止吏民敬其威信思省吏職求其便安下至財用筆研皆為設方畧其法律任廷尉有餘經術文雅足以謀王體斷國用身兼數器漢史



**勇蓋三軍**薛萬鈞與弟萬徹以材武歸欵高祖從李靖討吐谷渾勇蓋三軍遷左衛大將軍擊高昌進潞國公後嘗賜群臣膜皮及萬徹而誤呼萬鈞愴然曰萬均朕動舊忽口其名豈死者有知異此賜乎因命取焚之舉坐嘆異

**諫止畋獵**薛收年十二能屬文房元齡言之秦王玉召見問方畧所對合旨授府主簿時討王世充軍事繁收為書檄露布或馬上占辭該敏如素構上書諫王止畋獵王曰覽所諫知成我者卿也明珠兼乘未若一言出

唐史

**河東鳳**薛元敬與收及族兄德音齊名世稱河東三鳳收為長雛德音為鸞鸞元敬年少為鷓雛武德中為

天策府參軍直記室文學館學士如晦嘆曰小記室不可得而親不可得而踈

**虓將**薛仁貴絳州人三師攻安市城高麗率兵拒戰太宗命諸將分擊二貴恃驍悍欲立奇功乃着白衣自標顯持戟呼而馳所向披靡軍乘之賊潰帝曰朕不喜得遼東喜得虓將九姓衆十餘萬令驍騎數十來挑戰仁貴發三矢輒殺三人於是虜氣皆攝軍中歌曰將軍三箭定天山壯士長歌入漢關

折

**折家父**皇朝折克行知撫州沈勇有力善撫士卒在邊三十年戰功最多虜畏其威名號折家父官至秦州觀察使



**真將種**折可適其先與魏道武俱起雲中號代北著姓  
郭達帥郿延見之曰真將種也薦之試藝廷中為郿延  
路經畧司差使差使擢知寧岷環蘭四州再知鎮戎軍  
後進武安軍留後知渭州拜淮康軍節度使召為佑神  
觀使復帥涇原

汲

**取治淮陽**汲黯字長孺其先有寵於方之衛君至黯七  
世世為卿大夫黯以父任景帝時為之子洗馬以莊見  
憚拜為淮陽太守見上曰臣嘗有狗馬病力不能任郡  
事願為中郎出入禁闥補過拾遺上曰君薄淮陽邪吾  
今召君矣顧淮陽吏民不相得吾徒得君之重臥而治  
之前漢史

習

**四海習鑿齒**習鑿齒字彥威宗族盛富世為鄉豪少有  
才氣以文筆著稱桑門釋道安與之相見曰彌天釋道  
安鑿齒曰四海習鑿齒時人以為待對為滎陽太守著  
漢晉春秋晉史

蓋

**醒在**蓋寬饒字次公明經為郡文學以孝廉為郎舉方  
正對策高第遷諫大夫擢司隸校尉刺舉無所回避許  
伯酌寬饒寬饒曰無多酌我我乃酒狂魏其侯笑曰次  
公醒而在何必酒也

**虎牙將軍**蓋延字巨卿長八尺鸞弓三百斤光武以為  
虎牙將軍後漢



葉

**好龍**子張見魯哀公七日而哀公不禮託僕夫而去曰臣聞君好士云云葉公子高好龍鈞以寫龍鑿以寫龍屋室雕文以寫龍於是夫龍聞而下之窺頭於牖拖尾於堂葉公見之而走是葉公非好龍也好夫似龍而非龍者也君非好士好夫似士而非士者也新序

**石林居士**皇朝葉夢得字少蘊登科為丹陽尉蔡京雅知之既拜相亟召用旬歲間歷清要遂入翰林為學士時年方壯文華清麗一時欽重守藩奉祠僅三十年建炎初召為戶侍再入翰苑遂參大政出帥建康移福唐以節度使致仕居雪溪卞山之下開山為徑玲瓏秀發自號石林居士詩酒以娛其老

**法**葉顥字子昂第進士孝宗初為給事中除吏書尋除參知政事兼同知樞密繼提舉洞霄宮召對上問勞加禮且曰卿之清德自是愈光矣拜左僕射同平章事薨贈特進林光朝以詩哭之傳家惟舊德無地着樓臺人以爲寶錄云

**南郡太守**法雄字文彊齊襄王法章之後秦滅齊子孫不敢稱田姓故以法為氏雄為青州刺史行部錄囚徒察顏色多得情偽長吏不奉法者皆解印綬去遷南郡太守

**法真先生**法真博通內外圖典為關西大儒太守欲屈以功曹真曰明府若欲吏之真將在北山之北南山之



南矣號玄德先生 並後漢史

**內為謀主** 法正字孝真為蜀郡太守揚武將軍外統都畿內為謀主 蜀志

錦繡萬花谷續集卷之三十八

錦繡萬花谷續集卷之三十九

類姓

司馬

**慕蘭相如** 司馬相如字長卿蜀郡成都人既學慕蘭相如之為人更名相如奏大人賦天子大悅飄飄有凌雲氣遊天地之間意為游獵賦因以風諫賦奏天子以為郎又著子虛賦

**有良史才** 司馬遷字子長父談為太史公遷南游江淮上會稽探禹穴窺九疑浮沅湘北涉汶泗講業齊魯之都為太史令紬史記石室金匱之書網羅天下放失舊聞為太史公書序略遷有良史之才文直事核謂之實錄 前漢史